

Powšitkowne WOZJEWJENJA

njedźelu, 17. julija 2016

Nóc w swětle swěčkow

Na „Nóc 1.000 swěčkow“ su wšitcy sobotu, 23. julija, wot 19 do 24 hodž. do klósterskeje zahrody w Pančicach-Kukowje přeprašeni. Doniž njezaswěća swěčki, poskići so na jewišću pisany program. Tež za džěci je zaběra spřihotowana, mjez druhim pućowanje z wajchtarjom. Zarjadowar je Křescansko-socialny kubłanski skutk z.t.

Swjata spowědź w Róžeńće

Wšitcy, kotřiž chcyli porciunkulski wotpusk zdobyć, maja mjez druhim w Róžeńće składnosć, sobotu, 30. julija, wot 17 do 18 hodž. sakrament swjateje spowědže přijjeć. Spowědnicy budu fararjo Michał Anders, Michał Nawka, Měrcin Deleńk a Beno Jakubaš.

Cyrkwje z kwětkami wudebić nawuknyć

Smochčanski Dom biskopa Bena přewjedže sobotu, 20. awgusta, floristiski kurs. Jón nawjeduje floristka Silvia Jonas. Zajimcy měli so hač do srjedy, 20. julija, pod telefonowym čisłom (03 59 35) 2 20 abo e-mailowej adresu info@benno-haus.de přizjewić.

Mužoj přinđu z Marsa, žony z Wenusy

Poradźowarnja za mandželstwa, swójby a žiwjenje Drježdžansko-Mišnjanskeho biskopstwa přeprašuje pory wot pjatka wječora do njedzele připołdnja, 19. do 21. awgusta, na seminar pod hesłom „Mužoj přinđu z Marsa, žony z Wenusy“. W srjedžišću kursa w Smochčanskim Domje biskopa Bena ma prašenje za potajnstwom dobreho partnerstwa stać. Nawod změjetej poradźowarce Dorothea Kramß a Eva-Maria Ritz. Zajimcy měli so hač do pjatka, 5. awgusta, pod telefonowym čisłom (03 41) 9 83 00 71 abo e-mailowej adresu efl-beratung.leipzig@bistum-dresden-meissen.de přizjewić.